

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. I [i. e. II]. Vtrum detur imperium in homine respectu suarum operationum?

---

[urn:nbn:de:hbz:466:1-77355](#)

dicens: *Voluntas post electionem, impetum facit ad operationem, & postea uitur: nam ut interpretatur D. Thomas loco citato, in argumento sed contra, per impetum intelligit imperium.*

31. Secundò: *Electione & usus circa idem versantur: At licet in ordine reflexo possit dari electione de imperio, distincta ab electione de mediis, si expresse à voluntate appetatur in ordine ad finem, in ordine tamen directo, non datur electione de imperio, sed solum de mediis: Ergo licet in ordine reflexo, possit dari usus ab electione distinctus, applicans intellectum ut imperet, in ordine tamen directo talis actus non exigitur.*

32. Confirmatur: *Voluntas non solum uitur intellectu ad imperandum, sed etiam seipsa ad eligendum: At ut voluntas in ordine directo se ad electionem applicet, non requiritur actus ab intentione distinctus: Ergo ut applicet intellectum ad imperandum, non est necessarius actus ab electione diversus.*

33. Tertiò: *Si ad actum imperij prærequireretur usus aliquis activus ex parte voluntatis, ab electione distinctus, deberet ex parte intellectus præcedere aliud imperium, regulans hujusmodi usum: Sed hoc dici nequit, alioquin ad istud imperium requireretur aliis usus, & sic in infinitum: Ergo nec illud. Sequela probatur: Non alia ratione probatur necessitas imperij, distincti à judicio regulante electionem, ad applicandum potentias exequentes ad opus, nisi quia ad talem applicationem requiritur actus ab electione distinctus: Ergo si ut applicetur intellectus ad imperium, necessarius sit usus distinctus ab electione, requiretur etiam imperium à judicio regulante electionem distinctum.*

34. Hac ergo solutione prætermisso, melius refponderet ad argumentum, concessò Antecedente, negando Consequentiam & paritatem. Ratio discriminis est, Primò quia in exequendo major reperitur difficultas, quam in imperando: unde licet voluntas ad applicandas potentias exequentes ad opus, novo actu ab electione distincto indiget, non tamen ad applicandum intellectum ad actum imperij. Secundò, idèo in voluntate ponimus actum distinctum ab electione, ut exequatur, & applicet potentias inferiores ad suas operationes; quia in mediis, ut ad ordinem executionis spectantibus, diversa est ratio appetibilitatis, quam supra explicuimus; quæ ratio, cum de imperio non militet, non est cur actus ab electione distinctus, neceſſarius sit, ut voluntas applicet intellectum ad imperium, sed ipsa electione, non præcise quatenus est acceptio unius præ alio, sed quatenus ex vi prioris intentionis habet vim movendi intellectum, habebit rationem usus virtualis in ordine ad actum imperij. Idem cum proportione dicendum est de intentione, respectu consilij: nam illa est simul formaliter intentio, & virtualiter applicatio intellectus ad consultandum de mediis.

## ARTICVLVS I.

*Vtrum detur imperium in homine respectu suarum operationum?*

S. I.

Premittitur quod apud omnes est certum, & conclusio affirmativa statuitur.

CERTVM est, & constat ipsâ experientiâ, 35. imperium inter ipsos homines exerceri, quando unus est superior & prelatus, alter inferior & subditus: unde solum difficultas est, an præter illud imperium, quod regale & politicum appellatur, & ponitur in Principe vel Praelato ad gubernandos inferiores & subditos, aliud sit constitendum in quolibet homine, quô intellectus ex impulsu voluntatis denuntiet alii potentiis quid faciendum sit, ipsaque ad operandum moveat. Negant Vazquez hic disp. 49. cap. 4. & Suarez lib. 1. de legibus cap. 4. num. ii. & disp. 16. metaph. sect. 6. Affirmant verò Thomistæ, & plures alij. Cum quibus

Dico, imperium non est solum constituendum in hominibus, respectu aliorum sibi inferiorum & subditorum, sed etiam in quolibet, respectu sui ipsius, suarumque operationum. Ita D. Thomas 2. 2. qu. 83. art. i. ubi ait: *Ad rationem pertinet non solum imperare inferioribus potentiis, & membris corporis, sed etiam hominibus & subiectis.* Quibus verbis duplex imperium in homine agnoscit, unum politicum, in ordine ad alios homines sibi inferiores & subditos; & aliud monasticum, in ordine ad potentias inferiores, & membra corporis. Unde hic qu. 17. art. 3. ad i. sic habet: *Tunc demum voluntas alicujus incipit uti, exequendo imperium rationis: quandoque quidem voluntas alterius, cum aliquis imperat alteri: quandoque autem voluntas ipsius imperans, cum aliquis imperat sibi ipse.* Et articulus sequentibus docet actus voluntatis, appetitus sensitivus, & membrorum exteriorum, subdi imperio rationis, & posse ab illa imperari. Idem colligitur ex D. Augustino libro 8. confess. cap. 9. ubi sic ait: *Imperat animus, & moverat manus; & tanta est facilitas, ut vix a seruo discernatur imperium, &c.*

Favet etiam Aristoteles 6. Ethic. cap. 10. lect. 9. apud D. Thomam, ubi synesis vel sagacitatem distinguit à prudentia, quia synesis vel sagacitas est judicativa, prudentia vero præceptiva. *Non est autem (inquit) idem sagacitas & prudentia: prudentia namque præceptiva est: finis enim ipsius est, quidnam sit agendum aut non agendum præcipere; sagacitas vero judicativa est solum.* Unde cum agat ibi de prudentia monastica, quæ ordinatur ad proprios actus, & quæ ut ait ibidem cap. 8. querit atque proficit proprium bonum, sentit finem hujus esse, quid sit agendum vel non agendum homini illam habentem præcipere, ac proinde imperium dari in homine respectu suarum operationum, & non solum respectu alterius hominis sibi inferioris & subditi.

Neque valet quod ait Vazquez, Aristotelem per præceptum non intelligere propriæ actionem imperandi, sed judicium quod prudentia præscribit id quod agendum est, in quo se habet instar magistrorum imperantis & præcipientis;



addit in hoc sensu forsan posse interpretari D. Thomam. Non valet, inquam, In primis enim cùm Aristoteles dicat, finem prudentiae esse, quid agendum sit præcipere, quod est præceptiva, quod dominatur & jubet, &c. quid absurdius quam per hæc omnia judicium rationis intelligere, cùm sint res nomine & significacione aded diversæ?

Deinde id ex diametro verbis & intentioni Aristotelis repugnat: ponit enim discrimen inter synclitum seu sagacitatem, & prudentiam, quod prudentia est præceptiva, seu præcipit, sagacitas vero judicativa est, & judicat, ut patet ex verbis relatis: si autem per præcipere prudentia, intelligeret Aristoteles idem quod judicare, ut vult Vazquez, nullam differentiam constitueret; siquidem diceret utramque esse judicativa, & judicare.

Exemplum etiam quod adducit Vazquez de magistro imperante, ipsi non favet: quia in magistro, sicut in quolibet alio, aliis est actus quo judicat, & aliis actus quo præcipit.

Denique D. Thomas aperte distinguit imperium à judicio prædictico antecedente electionem, ait enim infra qu. 57. art. 6. Circa agibilia humanares actus rationis inveniuntur, quorum primus est consiliari, secundus judicare, tertius est præcipere. Primi autem duo respondent aliis intellectus speculativi, qui sunt inquirere & judicare, nam consilium inquisitio quedam est: sed tertius actus est propriæ practici intellectus, in quantum est operativus. . . . & ideo virtuti que est boni præceptiva, scilicet prudentia, tanquam principaliori adjunguntur tanquam secundaria, ebulia, que est bene consiliativa, synesis, & gnome, que sunt partes judicativa.

39. Probatur etiam conclusio ratione fundamentali. Præter electionem est ponendus in voluntate alius actus, qui dicitur usus activus, sicut probatum est articulo præcedenti: Ergo præter judicium prædicticum, quod antecedit electionem, ponendus est in intellectu alius actus, qui dicitur imperium, à quo voluntas dirigatur in actu utendi. Consequens probatur: cùm enim voluntas sit appetitus rationalis, sequens directionem rationis, unicuique actui voluntatis elicito, correspondet necessariò in intellectu actus dirigens illum.

40. Dices: Ad dirigendum actum usus sufficere judicium illud prædicticum, quod præcessit electionem, continuatum usque ad executionem, & sic non requiri actum imperij.

41. Sed contra primò: Articulo præcedenti demonstravimus, usum distinguere ab electione, eò quod ista sit de medio ut futuro, ille vero de medio ut hic & nunc exequendo: Ergo etiam actus dirigens electionem, distinguitur ab actu dirigente usum. Probatur consequens: Actus intellectus, regulantes actus voluntatis, habent idem objectum ac actus ab ipsis regulati: Ergo sicut in mediis, ut habent rationem eligibilium & exequendorum, inveniuntur diversa ratio formalis objectiva utilitatis (scilicet utile ut futurum, & ut præsens) sufficiens ad specificandum & multiplicandum duplice actum voluntatis; ita non poterit non reperi in illis diversa ratio cognoscibilitatis objectiva, sufficiens ad multiplicandos duos actus intellectus, scilicet judicium, & imperium.

42. Confirmatur: Actus judicij, ut continuatur post electionem, non proponit voluntati aliquid

A aliud, quād id quod proponebat ante electionem; alias non esset idem actus continuatus, sed diversus: Sed ante electionem vel proponebat solum media ut eligenda, vel si ea proponebat etiam ut exequenda, non proponebat executionem, nisi ut futuram, & veluti distante: Ergo post electionem non representabit illam nisi eo modo. Atqui (subsumo) actus intellectus proponebat voluntati executionem ut futuram & distante, non est sufficiens ad dirigendum usum voluntatis, qui habet pro objecto medium ut hic & nunc executioni mandandum: Ergo ponendus est aliis actus intellectus, qui non potest esse nisi actus imperij.

B Secundò, Posita electione, & judicio eam dirigente, adhuc est nova difficultas ad operis executionem; unde sapè contingit aliquem bene judicare de agendis, & recte eligere, & tamen poster in executione deficere, ut ait S. Thomas infra qu. 57. art. 6. ad 2. & eleganter declarat D. Bernardus lib. 1. de consider. cap. 1. his verbis: Quoties vis, & incassum? Quoties moves, nec promoves? Quoties conaris; & non datur ultra? enieris, & non obtines; paruris, & non paris; tentas, & abriperis; & ubi incipi, ibi deficit; & dum adhuc ordiris, succidunt te? Venerunt filii usque ad parum, atti propheta, & vires non habet parvioris. Ergo ut executio sequatur, opus est nova directione rationis præcipientis, quæ dicitur imperium, & nova applicatione voluntatis, quæ usus activus appellatur.

C Confirmatur: Ut executioni mandetur à subditis quod Princeps ab illis fieri debere judicat, necessarium est præceptum, propter difficultatem quæ est in operis executione: Ergo cùm similis, & non minor difficultas sit in eodem homine, respectu suarum potentiarum; ut ab his executioni mandetur quod voluntas eligit, & intellectus conveniens esse judicat, constituendus erit in eodem intellectu actus imperij, à judicio antecedente electionem distinctus. Unde

D pro tribus illis actibus tres ponuntur virtutes in intellectu: pro consilio enim ponitur Ebulia; pro judicio seu sententia, Synesis aut Gnome; pro præcepto vero seu imperio, Prudentia, ut videri potest apud D. Thomam loco citato, & 2.2. qu. 48. & si. per totam. Quare non valet quod ait Vazquez, hoc scilicet reperi discrimen inter Synesim & Prudentiam, quod ista est bene judicativa directè, deducendo judicium de agendis per consultationem; illa autem supra judgmentum à prudentia factum reflexitur, judicans recte & juxta regulas prudentiae judicatum esse. Non valet, inquam, Primò quia Aristoteles & D. Thomas locis citatis, per hoc distinguunt Synesim à Prudentia, quod illa est bene judicativa, ista vero præceptiva. Nec obstat quod Philosophus 6. Ethic. cap. 5. dicit prudentia esse bene consiliari: quia ut explicat D. Thomas infra qu. 57. art. 6. ad 1. Prudentia est bene consiliativa, non quasi consilium sit immediate actus ejus, sed quia hunc actum perficit, mediante virtute sibi adjuncta, qua est ebulia. Secundò, quia ad judicandum reflexè de judicio prudentiae, an juxta illius regulas elicitor sit, habitus à prudentia distinctus necessarius non est: sicut ad judicandum reflexè de actu scientifico, v.g. metaphysice, non ponitur habitus distinctus ab habitu ipsum elicente; & sicut etiam non ponimus duplum habitum elecitivum, unum ad rectam electionem directam, & alterum ad amorem re-

## DISPUTATIO VNDECIMA

flexum rectæ electionis, sed idem habitus ad A utrumque actum eliciendum sufficit.

**45.** Denique suadetur conclusio: In Principe reperitur imperium in ordine ad alios homines sibi subditos: Ergo & in quolibet homine in ordine ad potentias exequentes. Probatur consequentia: Tunc sicut Princeps dominum habet in subditos, ita in quolibet homine ratio, adjuncta voluntate, alii potentiis dominatur: Tunc etiam sicut sicut in Principe est prudentia politica, ita in unoquoque homine, operante secundum rationem, est prudentia monastica, cuius objectum est proprium & particulae bonum: Ergo sicut Princeps per prudentiam politicam imperat aliis quod convenit bono communis, sic ratio per prudentiam monasticam imperat inferioribus potentiis quod convenit bono particulari.

## S. II.

## Solvuntur objectiones.

**46.** **C**ONTRA istam conclusionem objiciunt primò Adversarij: D. Thomas 2. 2. qu. 83. art. 10. ait: *Oratio est actus rationis per quam aliquis superiorum deprecatur, sicut imperium est actus rationis, quod inferior ad aliquid ordinatur:* At quia oratio est inferioris ad superiori, nemo potest scilicet orare: Ergo cum imperium sit superioris ad inferiorum, nemo potest sibi imperare; & consequenter constituentum non est imperium in homine respectu stuarum actionum, sed solum in Principe aut Praelato respectu subditorum.

**47.** Respondeo imperium politicum, quod habet rationem praecepti obligantis cum vi coercitiva, parificari cum oratione quoad hoc quod est non esse ejusdem ad se ipsum, & quoad rationem superioris & inferioris; utrumque enim petit distinctionem suppositorum, ac superioritatem unius ad alterum: imperium autem monasticum solum requirit distinctionem potentiarum in eodem supposito, & superioritatem unius ad alias.

Addo quod orare & petere, est indigentis opere alterius: nemo autem indigere dicitur illo quod habet in potestate sua, sive per unam, sive per aliam potentiam, & ideo ejusdem ad se ipsum oratio non est. Imperare vero solum dicit ordinacionem & motionem: potentia autem exequentes, quamvis sint in eodem supposito cum intellectu & voluntate, ordinem tamen & motionem possunt ab illis recipere, ac proinde subdi imperio rationis.

**48.** Obiciunt secundò: Vel imperium deseruit ad movendas potentias inferiores, vel ad movendam voluntatem? Sed ad neutrum conduit: Ergo inutile est. Minor probatur: Cum voluntas sit potentia cœca, potentia vero inferiores non sine intellectu: tam illa quam ita sunt incapaces percipiendi rationis imperium: Ergo illud ad movendum voluntatem, aut potentias inferiores deseruire non potest.

**49.** Respondeo imperium deserire tam ad movendas potentias inferiores, quam ad movendam voluntatem, sed mediata solum ad movendas potentias inferiores, immediata vero ad movendam voluntatem, ut potentia inferioribus utatur; unde intimatio imperij sit immediate ipsi voluntati. Nec obstat quod voluntas sit potentia cœca & cognitionis expers: nam sicut

oculus videt toti corpori, & non solum sibi, ita intellectus intelligit omnibus potentias: unde sicut non est necesse, quod pes vel manus videat, ut dirigatur ab oculis, sed oculi vident proximis, & pro pedibus; ita non est necesse, quod voluntas cognoscat, ut moveatur ab intellectu ad eliciendum usum, & applicandum potentias exequentes ad opus: nam ut ait D. Thomas hic art. 5. ad 2. licet voluntas non intelligat, tamen ipse homo intelligit, & per imperium sibi loquitur, sibi intimat, sibique præcipit, ut media voluntate applicet potentias inferiores. Addo quod, si hoc argumentum valeret, non solum probaret quod voluntas non esset capax intimidationis imperij, sed etiam quod esset incapax regulari per judicium rationis, & ab eo objective moveri; siquidem neque hoc judicium posset percipere.

**B**Instabis: Vel imperium est necessarium ad movendam voluntatem quoad specificationem, vel quoad exercitium? Ad neutrum: Ergo inutile & otiosum est. Minor quoad primam partem videtur manifesta: judicium enim præcedens electionem, cum dicet media non solum esse eligenda, sed etiam exequenda, sufficiens est ad movendam voluntatem ad executionem mediorum quoad specificationem. Probatur vero quantum ad secundam. Voluntas ratione sui est primum movens quantum ad exercitium: Ergo non potest ab intellectu quoad exercitium moveri.

Respondeo negando Minorem, quoad utramque partem. Ad probationem primæ dicendum, quod licet judicium electionem regulans, præponat media ut exequibilia, & hie & nunc eligenda; non tamen proponit illa ut electa, & hie & nunc exequenda; unde ad hoc secundum requiritur alius actus intellectus, subsequens electionem, & regulans usum, quem vocamus imperium.

**D**Ad probationem pro secunda parte, concessi Antecedente, nego Consequentiam: licet enim voluntas sit primum movens, quantum ad exercitium, ac proinde movere quoad exercitium, per se primò illi conveniat; tamen non obstat, quin alicui actu intellectus, hoc secundariò, & ex consequenti, ac per participationem à voluntate competere possit. Sicut à pari ordinatio, qua est propria intellectus, participatur ab aliquo actu voluntatis, nempe ab electione, ut supra ostendimus, & variis exemplis ex D. Thoma qu. 22. de verit. art. 13. desumptis declaravimus.

Dices: Licet inter duo possit mutua causalitas in diverso genere causæ intervenire, non tamen in eodem genere causæ: At si intellectus per actum imperij moveret voluntatem, quantum ad exercitium, daretur inter illas duas potentias mutua causalitas & dependencia in eodem genere cause efficientis, cum etiam voluntas intellectum quantum ad exercitium moveat: Ergo &c.

Respondeo distinguendo Majorem: non tamen in eodem genere cause, respectu ejusdem effectus, concedo Majorem: respectu diversi, nego Majorem: & sub eadem distinctione Minoris, nego Consequentiam. Nam voluntas per actum electionem movet intellectum ad imprimandum executionem mediorum; ipse vero intellectus per actum imperij, efficaciam motivam à præcedenti electione participante, mo-

vet voluntatem quoad exercitum; non ad ipsam A electionem, qua est causa imperij; sed ad alium actum distinctum, scilicet ad usum actuum, quo potentia externa applicantur ad executionem mediorum.

Si autem queras, cur voluntas, qua est pri-  
mum moveus quantum ad exercitum, ad hujus-  
modi actum seipsum sine interventu imperij mo-  
vere non possit?

Respondeo hoc provenire ex eo quod, licet habeat virtutem ad movendum se, & alias potestias, absolute, non tamen per modum ordi-  
nationis; hoc enim est proprium intellectus, cu-  
jus est ordinare unum ad aliud, ut magis patebit  
ex infra dicendis.

Objicit tertio: Si imperium est necessarium ad usum actuum, sequeretur istum actum non esse libertum, sed necessarium: Consequens est falsum: Ergo &c. Sequela probatur: Neces-  
titas antecedens tollit libertatem ab actu quem antecedit: At si imperium sit necessarium ad usum, inducit necessitatem antecedentem rati-  
onem actum: Ergo ejus libertatem destruit. Pro-  
batur Minor: Necesitas se tenens ex parte actus primi, est necessitas antecedens; unde visio bea-  
tifica necessitat in patria ad amorem, quia ex pat-  
te actus primi se tenet, & necessitatem inducit:  
At imperium se tenet ex parte actus primi regu-  
lantis usum, & aliunde ex illo necessitatem se-  
quuntur: Ergo in illum actum necessitatem ante-  
cedentem inducit.

Respondeo negando sequelam. Ad probatio-  
nem nego Minorem. Ad hujus verò probatio-  
nem, distinguo Majorem: necessitas se tenens ex parte actus primi, est necessitas antecedens; si proveniat ex aliquo actu consecuto ad nostram libertatem, & in illa contento, nego Majorem: Si non ita contingat, transeat Major; & sub ea-  
dem distinctione Minoris, nego Consequentiam. Nam licet posito imperio usus necessarium se-  
quatur, & licet imperium se teneat ex parte actus primi; quia tamen ad electionem liberam se-  
quitur, & in nostra potestate constitutum est, hinc sit ut non inducat necessitatem anteceden-  
tem, libertati contrariam, sed consequentem tantum, seu infallibilitatis, qua libertatem compatitur.

Objicit quartò: Cum quis intendit, eligit, vel similes actus producit, illos in seipso experitur: Sed actus imperii nullus experitur in se: Ergo talis actus est fictitius.

Respondeo negando Minorem: Licet enim rudes & indocti non experiantur, nec discernant hujusmodi imperium, bene tamen docti & pruden-  
tes, quando ad id advertunt. Unde Propheta cum propria anima loquens, & eam determinans & stabiliens in bono, sic ait Psal. 114. Con-  
vertere anima mea in requiem tuam: & Psal. 42. Quare tristis es anima mea, & quare conturbas me? Spera in Deo. Et Augustinus ubi suprà, ejus-  
dem ad seipsum duplex agnoscit imperium; unum perfectum & efficax, quod semper sorti-  
tur effectum; & aliud imperfectum & fluctuans,  
quod sibi plene non subiectit mentem. Est tamen advertendum, quod cum talis actus velocissime transeat, raro ad illum advertimus: sicut etiam, ob eandem rationem, alii actus tam intellectus quam voluntatis, ut dictio, usus activus, & si-  
miles, non percipiuntur à nobis.

## ARTICVLVS III.

*Vtrum imperium sit actus rationis,  
& quis?*

## S. I.

*Prima difficultas resolvitur.*

Dico primò: Imperium est substantialiter actus intellectus, praesupponit tamen necessitatem voluntatis. Ita D. Thomas hic art. 1. & alij Theologi communiter, contra Durandum, Henricum, & Almaïnum, qui docent esse actum voluntatis, supponentem actum rationis; & contra Gregorium & Richardum, qui volunt esse quid compositum æqualiter ex actu utriusque potentiae: in quam sententiam inclinat etiam Suarez lib. 10. de legibus cap. 5. Conclusio autem procedit non solum de imperio monastico, de quo egimus articulo precedentem, sed etiam de politico, quod princeps & superior im-  
perat sibi inferioribus & subditis, de quo agitur in materia de legibus.

Probatur prima pars: Primò quia imperium est præcipuus actus prudentiae, ut ex Aristotele & D. Thoma articulo precedentem ostendimus; unde dicebat olim Architas Pitagoreus: *Exercitum dux regit, navigium nauclerus, mundum Deus, hominem mens, mentem prudentia:* Atqui prudentia est virtus intellectualis, ut docet Philosophus 6. Ethic. cap. 4. & D. Thomas infra qu. 57. art. 4. Ergo imperium est actus ab intellectu elicitus, & in eo receptus.

Dices: Oratio est in intellectu, & tamen religio, à qua procedit, est in voluntate: Ergo licet imperium sit actus prudentiae, que in intellectu residet, non rectè colligitur, illud ab intellectu eliciti, & in eo subjectari.

Sed contra: Licet aliquando contingere possit, quod actus minus principialis & secundarius aliquis virtutis, ut oratio respectu religionis, sit in alia potentia, in qua non est virtus; id tamen non contingit in actu præcipuo & primario, qualis est actus imperii respectu prudentiae: Ergo ex eo quod imperium sit actus prudentiae, qua est virtus intellectualis, rectè infertur, illud ab intellectu, non autem à voluntate eliciti.

Probatur secundò eadem pars: Sicut obedire pertinet ad inferiorem, ita imperare ad superiorem; quia correspondentibz sibi invicem, imperare & obedire: Sed ratio seu intellectus est id quod in homine superioris & præstantius est, juxta illud Aristotelis 10. Ethic. cap. 7. Mens est eorum omnium qua in nobis sunt præstantissima: Ergo imperare ad intellectum pertinet.

Confirmatur: Lex est quoddam præceptum & imperium: Atqui lex non est actus voluntatis, sed intellectus; unde nomine lucis in Scriptura significatur, ut patet ex illo Proverb. 6. *Mandatum lucerua est, & lex lux;* & cap. 8. gubernare & condere leges, attribuitur sapientiae, qua in intellectu residet, nam loquens de se Divina Sapientia ait: *Per me regnat, & legum conditores iusta decernunt: per me Principes imperant, & potentes decernunt iustitiam:* Ergo imperium non est actus voluntatis, sed intellectus.